


2012-mi sulinerit erseqqissarneri

2012-mi agguaqatigiissillugu qaammammut inuit 25.501-it suliffeqartarsimapput, amerlassusaat 2011-mi sulisunut sanilliullugu allanngungaangilaq. 2012-mi agguaqatigiissilugu qaammammut aningaasarsiat 25.227 kr.-iusimapput, 2011-mi aningaasarsianut sanilliullugu 2,9 procentimik qaffariarsimapput. Saqqummiussami ”Suliffeqarneq 2012”, Kalaallit Nunaanni Naatsorsueqissaartarfiup tamanut saqqummiussaani takuneqarsinnaallutik.

Kisitsisitigut paasissutissiami nunaqavissuni 14-nik ukioqalereersimasut tamarmik naatsorsuutinut ilanngunneqarput – tassaasut inuit ukiup aallartinnerani naanerani Kalaallit Nunaanni najugaqartut.

Kisitsisitigut paasissutissiap suliarinerani naatsorsueriaatsit ilai aqqissoqqinneqarput, namminersorlutik suliffimmik ingerlatsisut tamarmik maanna ilaatinneqalernerinik ilaatigut kinguneqartumik. Taamatuttaaq sulinerit inuussutissarsiutinut assigiingitsunut aalajangersimasunut immikkoortiterneri allanngortinneqarlutik. Immikkoortiterinerup nutaap inuussutissarsiutit aalajangersimasut attuumassuteqarfii aallavigalugit suliaapput, assersuutigalugu aalisarnerup iluani sulineq aamma tassaamat aalisakkanik suliffisuaqarfinni sulinerit, tunitsivinni sulinerit aamma aalisakkerinermut attuumassuteqartumik sulinerit.

Titartagaq 1. 2012-mi najugaqavissut pingaarnertut sullivii suaassusermut inuussutissarsiutinullu aalajangersimasunut immikkoortillugit




Najoqqutaq: Kisitsisaataasivik. <http://bank.stat.gl/ARNBF1>.

Titartakkami 1-mi takutinneqartumi pisortat allaffissorneranni sulineq ataasimut isigalugu suliffeqarfiuvoq amerlanerusunik suliffigineqartoq – ingammik arnat akornanni. Pisortat allaffissorneranni sulisut 60 procentingajaat arnaapput. Suliffeqarfiit immikkoortiterneranni angutinit suliffigineqarnerpaajuvoq pisortat allaffissornerat – kisiannili arnat amerlaqatigeqqajarnagit – im-

mikkut taasariaqarpoq angutit amerlanerujussuit aalisarnermi sulisorineqarnerat.

Titartagaq 2. Sulineq 2008-miit 2012-mut kvartalinit immikkoortillugit



Najoqqutaq: Kisitsisaataasivik. <http://bank.stat.gl/ARDBFB2>.

Titartakkami 2-mi takutinneqartumi sulineq ukiumut aalajangersimasumik malittarineqarpoq. Titartakkap ersersippaa ukiup ingerlarnge malunnartumik allanngurarnera, sulinerup qaffasinnerpaaffiani kvartaalit pingajuanni inuit 2.000-it missaannik amerlanerit sulisutut nalunaarsorneqartarsimapput, kvartaalimut siullermi sulinerup appasinnerpaaffianut sanilliullugu. Taammaattoq ukiup ingerlarngeata allanngorarnerisa annertussusaat ukiumiit ukiumut ilaatigut allanngorartuuvoq.

Kisitsisitigut paasissutissat taakku ”**Suliffeqarneq 2012**” saqqummersitamit annikitsunnguamik qinikkatut tigusaapput. Naatsorsueqqissaartarfiup nittartagaatigut www.stat.gl -ikkut ”**Suliffeqarneq 2012**” atuarneqarsinnaavoq pdf-filitullu aaneqarsinnaalluni. bank.stat.gl atorlugu aamma periarfisaqarpoq kisitsisit sukumiisut nammineerluni aanissaat.

Paasissutissanik annertunerusunik kissaateqartoqassaguni Naatsorsueqqissaartarfiup pisortaa Anders Blaabjerg oqarasuaatikkut 34 57 81 saaffigalugu imaluunniit Naatsorsueqqissaarnermi siunnersorti Søren W. Børgesen e-mailkut swbo@stat.gl atorlugu saaffiginissaa.